

COMUNE DI QUARTU SANT'ELENA – QUARTU SANT'ALENI

Tzitade Metropolitana de Casteddu

Ordinàntzia n. 96 de su 15/11/2022

Su Sìndigu

Bida sa comunicatzione imbiada oe dae su Dirigente iscolàsticu de s' Istitutu Cumprensivu n. 4, chi sinnalet situatziones críticas in is edifitzios de cumpetèntzia de custu istitutu, e prus a notu:

- sede de iscola de s' infàntzia de bia Prati: infiltratziones de abba e arriscu pro s'arrebussu de is muros;
- sede de iscola segundària de primu gradu de bia Bach: arriscu de ruta de s'arrebussu e arriscu elètricu;

Leadu a cunsideru chi custas cunditziones sunt perigulosas pro sa salute e sa seguresa de is alunnos e de su personale iscolàsticu;

Leada a cunsideru sa nota imbiada dae su dirigente de su settore ambiente e servitzios tecnològicu, S' Ing. Giulio Barca, chi at sinnaledu s' oportunitade de suspèndere is letziones me in is sedes de is iscolas inditadas, pro iscumproare is cunditziones de arriscu;

Postu chi bolent suspèndidas is letziones in die de su 16 de su mese de onniasantu 2021;

Bidu s' art. 139 de su D. Lgs. 31 de su mese de martzu 1998 n. 112;

Bidos is artìculos 50 e 54 de su d.lgs 267/2000;

Cumandat

Pro more de cunditziones igiènicu sanitàrias e de tutela de sa seguresa de is istudentes e de su personale iscolàsticu, a pustis de is crititzidades sinnaledas dae su dirigente de s' Istitutu Cumprensivu N. 4 e pro permitere is traballos de verifica de is cunditziones de seguresa, sa suspensione de is letziones in s' iscola de s' infàntzia de bia Prati e segundària de primu gradu de bia Bach, in die de su 16 de onniasantu 2021 e, semper e cando, fintzas a s'acabu de custas crititzidades. Contra a custu provedimentu si podet presentare recursu, cunforma a s'art. 3, comma 4, de sa L. 7 de su mese de austu 1990, n. 241, in intro de 30 dies dae sa die de notìfica, recursu a su Prefetu (D.P.R. 24/11/1971, n. 1199), o finas a su Tribunale Amministrativu Regionale in intro de 60 dies dae sa notìfica (lege 6/12/1971, n. 1034), o recursu a su Capu de s' Istadu in intro de 120 dies.

Còpia de custu atu s'agatat in s' albu pretòriu on line de su situ istituzionale de su Comunu de Quartu Sant'Aleni e notificada a su Dirigente Iscolàsticu de s' Istitutu Cumprensivu n. 4, a su Dirigente de su Cumandu de Politzia Locale e a su Dirigente de s' ufitziu de sa pùblica istrutzione.